



Analiza epidemiologjike mujore (Pasqyra 14 Sh)


ANALIZA EPIDEMIOLOGJIKE MUJORE

SHTATOR, 2017

Analiza epidemiologjike e sëmundshmërisë infektive bazohet në të dhënat e Sistemit Madhor të Bazuar në Sëmundje (SMBS) të raportuara përmes Pasqyrës mujore 14/Sh. Pasqyra14-Sh plotësohet në pasqyrën në formatin EXCEL dhe dërgohet me poste elektronike dhe me poste zyrtare në DEKSI, ISHP brenda datës 10 të çdo muaji. Në muajin tetor 2017 kanë raportuar 36 rrethe ose 100 % e tyre.


❖ Sëmundjet diarreike

Gjatë muajit shtator 2017 vëmë re një rritje të lehtë të incidencës të sëmundjeve diarreike për 100.000 banorë, 356.76 (9.990 raste) krahasuar me të njëjtën periudhë të një viti më parë, shtator 2016, incidenca 341.12 (9.552 raste).



Grafiku 1. Numri i rasteve me sëmundje diarreike, shtator 2016 dhe 2017 raportuara nga DRS/DSHP-te.


Rrethet me numrin më të madh të rasteve me Salmoneloze jotifoide janë: Shkodër (35 raste) dhe Dibër (7 raste). Shigeloze janë: Shkodër (11 raste), Kukës (4 raste) dhe Dibër (3 raste). Numri i toksikoinfeksioneve alimentare në shtator 2017 ngelet i njëjti me atë të muajit shtator 2016 dhe rrethet me problematike janë: Bulqizë (107), Kukës (65), Berat (44) dhe Korçë (2). Gastroenteritet të paspecifikuar janë të shpërndara në të gjitha qarqet e vendit. Duhet theksuar që numri i lartë i rasteve të raportuara me toksikoinfeksione alimentare dhe gastroenterite është i lidhur me pamundësinë në nivelin e disa rrethëve të diagnozës së sakte klinike dhe konfirmimit të saj me diagnozën laboratorike mikrobiologjike.



Grafiku 2. Shperndarja e rasteve sipas DRSH/DSHP-ve.

❖ Zoonozat


Brucelozat numër total rastesh shpërndarja sipas DRSH/DSHP-ve ne muajin Shtator 2017 krahasuar me muajin Shtator 2016 paraqitet ne grafikun e mëposhtëm.



Grafiku 3. Shpërndarja e rasteve me brucelozet sipas DRSH/DSHP-ve


Ne total janë raportuar 9 raste me Brucelozet ne muajin Shtator 2017 kundrejt 5 raste te raportuar ne te njëjtën periudhe te vitit te kaluar. Vihet re një rritje e lehte e numrit te rasteve ne muajin Shtator 2017 përkatësisht ne rrethet Elbasan, Tepelene dhe Tirane, krahasuar me muajin Shtator 2016. Zonat rurale zënë 85.7% te rasteve te raportuara. Raste te konfirmuara zene 83% te rasteve te raportuara. Grupmosha me e prekur rezulton 45-59 vjec.

Shperndarja e rasteve te Antraksit sipas rretheve ne muajin Shtator 2017 paraqitet ne grafikun e meposhtem.



Grafiku 4. Shpërndarja e rasteve me antraks sipas DRSH/DSHP-ve.

Ne total jane raportuar 3 raste Antraks ne muajin Shtator 2017 kundrejt 0 raste te raportuar ne shtator 2016. Rastet jane raportuar nga rrethet Sarande, Tepelene, Vlore. Rastet i perkasin grupmoshes 20-24vjec 1 rast, dhe grupmoshes 60+, 2 raste. Rastet jane te konfirmuara me laborator. Shperndarja gjeografike e Leptospirozes sipas rretheve ne muajin Shtator 2017 krahasuar me muajin Shtator 2016 paraqitet ne garfikun e meposhtem.



Grafiku 5. Shpërndarja e rasteve me leptospiroze sipas DRSH/DSHP-ve

Ne total per muajin Shtator 2017 eshte raportuar 1 rast me skede individuale kundrejt 3 raste te raportuar ne muajin Shtator 2016. Rastet jane raportuar nga rrethet Lezhe, Elbasan, Fier, 2 raste i perkasin grup-moshes 35-59 vjec dhe 1 rast 60+.

Tbc Ekstrapulmonar: Në total janë raportuar 10 raste në muajin Shtator 2017 kundrejt 18 rasteve te raportuar ne muajin Shtator 2016. Rastet i perkasin rretheve 3 Tirane , 2 Lushnjë , 1 Tropojë , 1 Puke , 1 Pogradec , 1 Librazhd dhe 1 Kukës. Sipas grupmoshave 5 raste 20-39 vjeç, 3 raste 55-59 vjeç dhe 2 raste 60+.Meshkuj 7 raste dhe femra 3 raste

❖ Sëmundjet e PKI

Fruthi: Në Survejancën e Bazuar në Rast të fruthit për muajin shtator 2017 është raportuar 1 rast i dyshuar për fruth ne rrethin e Lezhës. Hetimi epidemiogjik është kryer menjëherë me marrjen e njoftimit dhe është marrë


mostra e gjakut për ekzaminim virologjik në laboratorin e Virologjisë në ISHP. Ekzaminimi laboratorik ka rezultuar pozitiv për IgM ndaj fruthi. Rasti është klasifikuar i importuar.

Varicele: Numri i rasteve me varicele te raportuara nga rrethet paraqitet i qëndrueshëm.

❖ Ethe hemorragjike

Nga survejaca e SMBS dhe survejanca e bazuara ne rast gjate periudhës Shtator 2017 krahasuar me te njëjtën periudhe Shtator 2016, shihet një trend ne rritje i rasteve te dyshuara për ethe hemorragjike përkatësisht 4 raste te dyshuara Shtator 2017, te cilat nuk kane rezultuar me lidhje epidemiologjike me njeri tjetrin dhe “0” raste te dyshuara gjate Shtator 2016.


Nga totali i 4 rasteve te dyshuara për Shtator 2017, vetëm 1 rast ka rezultuar pozitiv për ethe hemorragjike Hantanvirus. Rasti ishte i Ersekës, qarkut te Korçës, i gjinisë mashkull, i grupmohës 20-24 vjeç.



Grafiku 6.. Totali i rasteve te dyshuara me diagnozen Ethe hemorragjike gjate periudhes Shtator 2017 dhe Shtator 2016.

❖ Meningoencefalite

Për sa i përket rasteve te dyshuara me diagnozën Meningoencefalite, kemi një trend ne rritje te hasjes se rasteve te dyshuara meningit viral aseptik gjate periudhës Shtator 2017 krahasuar me te njëjtën periudhe te vitit 2016. Gjate periudhës Shtator te vitit 2017 nuk kemi raportim te rasteve me meningit bakterial jo meningokoksike dhe raste me encefalit te paspecifikuar. Ne lidhje me totalin e meningoencefaliteve gjate periudhës Shtator 2017 dhe Shtator 2016, kemi predominim te gjinisë meshkuj, me shpërndarje ne grupmohën pediatrike dhe kryesisht rastet janë raportuar dhe hetuar njëkohësisht ne rrethet Tirane, Lezhe, Korçe, Librazhd, Durrës dhe Mallakastër.



Grafiku 7. Totali i rasteve të dyshuara me diagnozën meningoencefalite gjatë periudhës Shtator 2017 dhe Shtator 2016


❖ Hepatitet virale

Ne raportimin mujor të semundshmerise infektive gjatë muajit shtator 2017 janë raportuar në total 25 raste me hepatite virale akute nga të cilat 11 janë të hepatite virale paspecifikuar, 9 raste me Hepatit viral B dhe 5 raste me hepatite virale as A as B. (tabela1)

Periudha kohore	Hepatiti I paspecifikuar	Hepatit viral A	Hepatit viral B	Hepatit viral as A as B
Shtator2016	15	1	19	6
Shtator 2017	11		9	5

Tabela 1. Numri i rasteve me hepatite virale të raportuara nga DRSH/DSHP-te.

Siç shihet edhe nga grafiku 6, në krahasim me të njëjtin muaj një vit më parë, numri i rasteve të raportuara me hepatite virale akute ka pësuar ulje për të katër tipat e tyre.




Grafiku 8. Numri i rasteve me hepatite virale akute te raportuara nga DRSH/DSHP-te.

Vlen te theksohet se numri rasteve me hepatite virale B është hasur ne grupmoshat adultë (>25 vjeç). Kjo për arsye te mbulesës se larte vaksinale për hepatitin viral B. Për Hepatitin as A as B numri i rasteve është hasur ne popullatën adultë. Ndërkohe vazhdojmë te kemi raportim te rasteve me hepatit viral te paspecifikuar dhe kjo për shkak te kapaciteteve te pamjaftueshme laboratorike për diagnostikimin e tyre ne laboratorët mikrobiologjike te DSHP ne rrethet e vendit. Ne lidhje me shpërndarjen sipas rretheve, gjate këtij muaji Dibra ka raportuar me tepër raste me Hepatite virale te paspecifikuar ndërsa Berati dhe Kuçova me Hepatit viral B.

❖ Sifilizi


Gjatë muajit shtator 2017 numri i rasteve me Sifiliz është 5. Të gjitha rastet janë të konfirmuara. Raportimi është bërë nga Shërbimi i epidemiologjisë së Elbasanit që ka 4 raste dhe ai i Fierit që ka 1 rast. Raporti meshkuj femra është 4:1.



Grafiku 9 Shpërndarja e rasteve me Sifiliz sipas gjinisë dhe vitit (Muaji shtator)

❖ Tuberkulozi pulmonar.


Nga survejaca e SMBS dhe survejanca e bazuara ne rast gjate periudhës Shtator 2017 krahasuar me te njëjtën periudhe Shtator 2016, vihet re një rritje e numrit te rasteve te dyshuara dhe te konfirmuara për tuberkuloz pulmonar përkatësisht nga 3 raste te dyshuara Shtator 2016 ne 9 raste te dyshuara ne Shtator 2017, dhe nga 28 raste te konfirmuara ne Shtator te vitit 2016 ne 33 raste te konfirmuara ne muajin Shtator 2017. Persa i përket shpërndarjes sipas rretheve ne te dyja periudhat, Tirana paraqet numrin te madh te rasteve. Respektivisht 10 raste ne Shtator 2016 dhe 20 raste Shtator 2017. Shpërndarja sipas grupmoshave tregon se rastet e raportuara ne muajin Shtator 2016, 16 raste i përkasin grupmoshës 20-50 vjeç, 12 raste i përkasin moshës mbi 50 vjeç. Ne Shtator 2017, 13 raste i përkasin grupmoshës 20 – 50 vjeç, 20 raste i përkasin moshës mbi 50. Vihet re se TB është i shprehur ne moshën aktive te popullatës dhe ne moshën mbi 60 vjeç. Meshkuj 21 raste dhe femra 12. Raporti M: F, 2:1 vihet re si ne rastet me TB pulmonare dhe ne rastet ekstrapulmonare.



Grafiku 10. Paraqitja e totalit te rasteve (te dyshuara dhe te konfirmuara) me diagnozen Tuberkuloz Pulmonar, per muajin Shtator 2016 dhe Shtator 2017.

❖ **HIV/AIDS**

Survejaca e SMBS ne lidhje me diagnozën AIDS paraqet zero raste te raportuara nga rrethet përkatësisht ne muajt Shtator 2016 dhe Shtator 2017. Kjo per disa arsye, pasi rastet qe diagnostikohen me HIV ndiqen klinikisht pranë Shërbimit Infektiv ne QSUT, ne lidhje me keto raste është ruajtur informacioni ne mënyre konfidenciale. Sipas te dhënave te Programit Kombëtar te HIV/AIDS, gjate muajit Shtator 2016 jane raportuar 10 raste HIV positive, ndersa ne muajin Shtator 2017 janë diagnostikuar 6 raste HIV pozitive. Shpërndarja sipas gjinisë e rasteve te muajit Shtator 2016 paraqet 8 raste tek meshkujt dhe 2 raste tek femrat; ndërsa ne Shtator te 2017 , 6 rastet janë meshkuj. Shpërndarja sipas grupmoshës ne te dyja periudhat tregon se grupmosha me e prekur është 25-45 vjeç.



Grafiku 11. Raste te diagnostikuara me HIV.

Bashkëngjitur janë tabelat me te dhënat e semundshmerise infektive për muajin shtator 2017 sipas rretheve dhe sipas grupmoshave.

Hartoi: **Departamenti i Kontrollit te Semundjeve Infektive, Sektori i Epidemiologjise, Programi Kombetar i Tuberkulozit**

Silvia Bino, Eugena Tomini, Artan Simaku, Adela Vasili, Luljeta Alla, Elona Kureta, Rovena Daja, Marjeta Dervishi. Donika Bardhi.

Editoi: Rovena Daja

**INSTITUTI I
SHENDETIT
PUBLIK**

DEKSI

